

18 Komin jar kin kim: bwe kimij
rel bwe emōn bōklikōt eo am, im
kim kōnan bwe am kōmōn en jime
ilo men ko otemjej.

Rom 15. 30. Ep. 6. 19. Kol. 4. 3. 12 Tes. 3. 1.
Jerb. 23. 1.

19 Im e kanuij laplok aō akwelap
ñōn kom kin men in, bwe en mō-
kōjlok aō jeblak ñōn kom.

Pail. 22.

20 Im Anij in ainemōn, Eo e ar
bōktok jen ro remij, Šeperd eo elap
an šip ko, kin bōtōktōkin bujen ej
in drio, aet, ar Iroj Jisōs,

Rom 15. 33. Jerb. 2. 24. Isa. 40. 11. Ezek.
34. 23. 1 Pit. 2. 25. Jap. 10. 29.

21 En kowāppen kom ilo men ko
remōn otemjej ñōn kōmōnmōn an-
kil An, im Eu mōke jerbale ilo kij

men in kabuñburuen ko iman me-
jen, kiu Jisōs Kraist; ñōn E en
aibujuij in drio im in drio. Amen.
2 Tes. 2. 17. 1 Pit. 5. 10. Pil. 2. 13. Rev. 1. 6.
22 A ij kowe kom, ro jātiō, bwe
komin bōk nan in nan in enoik:
bwe emwij aō jejewōj ñōn kom kin
eiet nan.

1 Pit. 5. 12.

23 Komin jela bwe ar kōtlok jater
Timote; im elafie e naj itok mōkōj,
kimro naj lo kom.

1 Tes. 3. 2.

24 Komin yokyokwe ro otemjej
rej tel kom, im ro remōn otemje-
lok. Ro dri Itali rej yokyokwe
kom.

Joi en ber ibemi otemjej. Amen.

Tait. 3. 15.

LETTER AN JEMES.

JAPTER 1.

JJEMES, korijeran Anij im Iroj
Jisōs Kraist, ñōn joñoul im ruo
bwijin Israel ro ilo jibliklik eo,
Yokwe kom.

Jerb. 12. 17. Tait. 1. 1. Jerb. 26. 7. Dut.
32. 26. Jon 7. 35. Jerb. 2. 5. & 8. 1.

1 Pit. 1. 1.

2 Ro jātiō, komin likit e men in
lōñliñ otemjej ñe melejoñ kaju wā-
weir rej kabol kom;

Mat. 5. 12. 1 Pit. 1. 6.

3 Bwe kom jela men in kamol
ami tōmak ej jerbale kijenmij.

Rom 5. 3.

4 A en wāppen an kijenmij jermal,
bwe komin wāppen wōt im eyu im
enjelok ami aikwij.

5 A elafie jabrewōt iami ej aikwij
meletlet, en kajitōk kin e iben Anij,
eo Ej wujlep ñōn armij otemjej, im
jab enoik kake, im naj lelok ñōn e.
1 Kin 3. 9, 11, 12. Pro. 2. 3. Mat. 7. 7. Jon
14. 13. Jer. 29. 12.

6 A en kajitōk ilo tōmak im jab
berre: bwe eo ej berre ej einwōt no
in lometo e makōtkit im limajnono
kin kōto.

Mark 11. 21. 1 TIm. 2. 8.

7 Bwe armij eo en jab lemnok
bwe e naj bōk jabrewōt jen Iroj;
8 E armij buruen ruo im bororo
ilo ial ko an otemjej.

Jap. 4. 8.

9 Jein im jātin ej etā en lōñliñ
kin an eutiejlōk:

10 Im dri mweie bwe emwij kō-
tāik e; bwe einwōt leen ujoij e naj
jokolok.

Job 14. 2. Sam 102. 11. Isa. 40. 6. 1 Kor.
7. 31.

11 Bwe ñe emwij tak al im ebuñ
kōto ebwil, ej kaimerlok ujoij: im
leen ej mwe, im wōleo an wāwen
kōmōnmōne e joko: ein drein bar-
einwōt dri mweie e naj aimerlok
ilo ial ko an.

12 Emōññōñ armij eo ej kijenmij
ilo melejoñ: bwe ñe emwij kamol e
e naj bōk belin mour eo Iroj e ar
muri kake ñōn ro rej yokwe E.
Pro. 3. 11. 1 Kor. 9. 25. Jap. 2. 5. 1 Pit. 5. 4.
Rev. 2. 10. Mat. 10. 22. & 19. 28, 29.

13 Ejelok armij en ba ñe kabo e,
Anij ej kabo iō: bwe men ko re-
nana re ban kabo Anij, im Ej kabo
ejelok armij:

14 A emwij kabo jabrewōt armij

ñe mōm ko an rej karel buruen im kamej e.

15 Inem ñe mōm eo e ar etta, ej keutak jerawiwi: im jerawiwi eo ñe e ridtolok, ej keutak mij.

Job 15. 35. Sam 7. 14. Rom 6. 21. 23.

16 Ren jab moni kom, ro jātīō, jitenburu iba.

17 Men in letok emōn im wāppen otemjelok re jen lōñ, im wōnlōltak jen Jemen maram ko, im iben ejelok makōtkit ak wāwen ukwelok. Jon 3. 27. 1 Kor. 4. 7. Bwin. 23. 19. 1 Samuel 15. 29. Mal. 3. 6.

18 E ar keutak kij ilo ankil An, kin nan emol, bwe jen einwōt jomōkōj jen men in kōmōnmōn ko An. Jon 3. 3. 1 Pit. 1. 23. Ep. 1. 12. Jer. 2. 3. Rev. 14. 4.

19 Kom jela men in, ro jātīō, jitenburu iba. A jabrewōt armij en mōkōj an roñjake, en rumij an kono, en rumij an illu:

Ekl. 5. 1, 2. & 7. 9. Pro. 10. 19. & 17. 27.

20 Bwe illu an armij e jab jerbale kwojarjar an Anij.

21 Kin men eo, komin wutik etton otemjej im nana elōñlok, im bōk ilo inimōn nan eo ar kallipe iloami, im ej maroñ in lomoremi.

Kol. 3. 8. 1 Pit. 2. 1. Jerb. 13. 28. Rom 1. 16. 1 Kor. 15. 2. Ep. 1. 13. Hib. 2. 3.

22 A komin dri kōmōnmōn nan eo, im jab dri roñjake wōt ro rej mōke mon ir.

Mat. 7. 21. Rom 2. 13.

23 Bwe elañe jabrewōt armij ej dri roñjake nan, im jab dri kōmōne, ej einwōt armij eo ej lo mejen ilo kapjur:

Luk 6. 47. jap. 2. 14.

24 Bwe ej mōke lale e, im ej ilok im emōkōj an meloklok ie ein.

25 A eo ej ber im liñōre kien in anemkwoj eo e wāppen, im jab dri roñjake eo ej meloklok, a e dri kōmōn ej jerbale, armij eo e naj mōnōn ilo an kōmōn.

jap. 2. 12.

26 Elañe jabrewōt armij ej lemnok eor men in kabuñ iben, ke e jab drebdrubije loin a ej mōke etaoik buruen, ejelok tokjen men in kabuñ eo iben.

Sam 34. 13. 1 Pit. 3. 10.

27 Men in kabuñ erreō im jab etton iman mejen ar Anij im Jemer, eñin, bwe armij en lolok ro atajinemjen im kōra ejoko beleir ilo air jorran, im bwe en drebij e im jab lipjinjin kin lōl in.

Iša. 1. 17. Mat. 25. 36. Rom 12. 2. jap. 4. 4. 1 Jon 5. 18.

JAPTER 2.

RO jātīō, tōmak ar Iroi Jisōs Kraist, Iroi in aibujuj, en jab ber ibemi ilo ami kabwiloklok mejen armij.

1 Kor. 2. 8. Dut. 1. 17. Pro. 24. 23. Jud 16.

2 Bwe elañe ej dreloñtok ilolan imōn kwelok eo ami, juōn armij luko gold ion pein, im ealbujuj nuknuk ko an, im ej dreloñ juōn dri jeramel, im nuknuk ko an re bwiltoon;

3 Im komij lale eo ej kōnōk nuknuk ko r'aibujuj, im ba, Kwon jijōt iji emōn, im kom ba ñōn dri jeramel, Kwon jutōk ijien ak jijōt iturin eran neiō;

4 Komij jab jibil ilo buruemi ke, im dri ekajet ke lemnok ko renana ibemi?

5 Komin roñjake, ro jātīō im jitenburu; Anij e ar jab kālet ro dri jeramel i lōl ke, bwe ren dri mwele kin tōmak, im dri jolit in ailiñ eo, E ar muri kake ñōn ro rej yokwe E?

1 Kor. 1. 28. Eks. 20. 6. Pro. 8. 17. Mat. 5. 3. Luk 6. 20. & 12. 32. 1 Kor. 2. 9. 2 Tim. 4. 8. jap. 1. 12.

6 A kom ar kejekron dri jeramel. Ro dri mweie re jab kōkkure kom, im lekake kom ñōn jikin ekajet ke?

1 Kor. 11. 22. Jerb. 13. 50. & 17. 6. & 18. 12. jap. 5. 6.

7 Re jab blaspim ke āt eo emōn komij etnake?

8 Ijoke elañe komij bokake kien elap, ekar ñōn jeje, Kwon yokwe dri turum im einwōt kwe, emōn ami kōmōn:

Levai 19. 18. Mat. 22. 39. Rom 13. 9. Gal. 6. 2.

9 A elañe kom kaljiklok armij, komij kōmōn jerawiwi, im kien ej naruemi einwōt dri kōtōrei.

10 Bwe jabrewōt eo e naj kejbārok

kien otemjej, a ej buñ ilo juñn iair,
eor ruñn kin aoalepeir.

Gal. 3. 10.

11 Bwe Eo ej ba, Kwon jab lūñ,
Ej bareinwōt ba, Kwon jab uror.
Inem elañe kwo jab lūñ, a kwoj
uror, emwij am kokkure kien.

Eks. 20. 13, 14.

12 Ami konono im kōmōn ren
ekar ñōn ro kien anemkwoj e naj
ekajet ir.

Jap. 1. 25.

13 Bwe ekajet im ejelok tiriamo-
kake ej iben eo ear jab tiriamokake:
tiriamokake ej jualōñlōñ nae eka-
jet.

Job 22. 6. Pro. 21. 13. Mat. 6. 15. & 18. 35.
1 Jon 4. 17, 18.

14 Ro jātiō, ewi tokjen elañe ja-
brewōt ej ba bwe tōmak iben, a jer-
bal ko re jab iben? Tōmak eo e
maroñ in lomoren ke?

Mat. 7. 26. Jap. 1. 23.

15 Elañe jeiōm im jātōm eman ak
kōra ekelwan im ejelok kijan,

Job 31. 19, 20. Luk 3. 11.

16 Im juñn iami ej ba ñōn ir, Ko-
min ilok ilo ainemōn, komin mā-
nān im māt; im e jab lelok ñōn ir
men ko enbwiniir rej aikwij, ewi
tokjen?

1 Jon 3. 18.

17 Ein drein tōmak, elañe jerbal
ko re jab iben, e mōke mij.

18 A juñn e naj ba, Tōmak ibōm,
im jerbal ko iba: kwon kwalok
ñōn iō am tōmak im ejij jerbal ko
am, ak I naj kwalok ñōn kwe aō
tōmak kin jerbal ko aō.

Jap. 3. 13.

19 Kwoj tōmak bwe Anij e juñn
wōt; emōn wōt am kōmōn: dimōn
rōn bareinwōt rej tōmak im wurir-
rir.

Mat. 8. 29. Mark 1. 24. & 5. 7. Luk 4. 34.
Jerb. 16. 17. & 19. 15.

20 A O armij wan, kwo kōnan jela
ke bwe tōmak, ke ejelok jerbal,
ewar?

21 Ebrean jemer, jab kowānik e
kin jerbal ko ilo an katok kin Aisak
nejn ion lokatok eo ke?

Jen. 22. 9, 12.

22 Kwoj lo bwe tōmak e ar jerbal

ilo jerbal ko an, im kin jerbal ko ar
kowāppen tōmak;

Hib. 11. 17.

23 Im ejejit jeje eo e ba, Im Ebre-
am e ar tōmak Anij, im emwij wa-
tōk e ñōn e einwōt wānik; im nae-
tan jeran Anij.

Jen. 15. 6. Rom 4. 3. Gal. 3. 6. 2 Kron. 20. 7.
Isa. 41. 8.

24 Komij lo bwe kowānik armij
kin jerbal ko, im jab kin tōmak
wōt.

25 Im ein drein Rehab, kōra eki-
joñ eo, jab bareinwōt kowānik e
kin jerbal ko, ke e ar bōk ro dri ji-
lik im jilkinlok ir ilo bar juñn ial
ke?

Jos. 2. 1. Hib. 11. 31.

26 Bwe einwōt enbwiniir e jibil jen
an, e mij, ein drein tōmak e jibil
jen jerbal emij.

JAPTER 3.

RO jātiō, en jab elōñ iami dri ka-
takin, bwe kom jela kim naj
bōk ekajet errolok.

Mat. 23. 8, 14. Rom 2. 20, 21.

2 Bwe ilo elōñ men ko jej otemjej
tibñil. Elañe jabrewōt e jab tibñil
ilo nan, e in armij ewāppen im ej
maroñ in drebdribije aoopen en-
bwiniir bareinwōt.

1 Kin 8. 46. Jap. 1. 26. Mat. 12. 37.

3 A elañe jej likit ken drebdribije
iloan loñin ors ko bwe ren bokake
kij, jej ukot aoopen enbwiniir.

Sam 32. 9.

4 Im komin lale wa ko, meñe re-
lap im betobātōk kin kōto ko relej,
dri kajime ej kejali kin jibwe erik
einwōt an kōnan.

5 Bareinwōt lo in armij, e ra erik
im elap an jualōñlōñ. Lo, ie rik in
kijeek ej tili kaue e nañin lap!

Sam 12. 3. & 73. 8, 9.

6 Im lo e kijeek: lōl in jerawiwi
ilo ra ko rar e lo eo, ej kabrijrij ao-
open enbwiniir, im ej tili men in
kōmōnmōn otemjej, im emwij tili e
jen jikin nana.

Pro. 18. 27. Mat. 15. 11, 18. Mark 7. 15, 20, 23.

7 Bwe wāwen kiru otemjej, im
bao ko otemjej, im men ko rej tō-
bōllok otemjej, im men ko iloan lo-

meto otemjej, rej awie im armij r'ar kawielki:

8 Ejelok armij ej maroñ in kawieik lo; ej men eo enana im neoteoleol, im eobrök kin uno kõnmij.

Sam 140. 3.

9 Kin men eo jej nebar Iroi im Jemer; im kin men eo jej kõkol armij, ro emwij kõmõnmõn ir ilo wāwen Anij.

Jen. 1. 28. & 5. 1.

10 Jen juõn wõt loñin ej waloktok jar ko im kõkol. Ro jätio, e jab emõn bwe en ein drein men kein.

11 Unin dren, ej maroñ in katorlok, jen juõn wõt roñ, dren enno im dren emeo ke?

12 Wijki fig, ej maroñ in lle kin oliv ko ke? ak vain in grep kin fig ke? ak dren in lojit ej ban kõmõn dren enno.

13 Wõn iami e meletlet im jela-lokjen? en kwalok, kin an kõmõn emõn, jermal ko an ilo inimõn in meletlet.

Gal. 6. 4. jap. 1. 21. & 2. 18.

14 A elañe kätök emeo im akwail rej ilo buruemi, komin jab kimjaje im riõp nae mol.

Rom 13. 13.

15 Meletlet in e jab eo ej wõnlõltak jen lõñ, a e jen lõl im ekar fiõn mõm ko im dimõn rõn.

jap. 1. 17. Jud 19.

16 Bwe ijo kätök enana im akwail rej ber, jeurur im jermal otemjej renana rej ber le.

1 Kor. 3. 3. Gal. 5. 20.

17 A meletlet jen lõñ ej erro mokta, inem e ainemõn, joij, ebiruru an rel, eobrök kin tiriamokake im leen ko remõn, im ejelok akwail ak jela mon iben.

1 Kor. 2. 6, 7. Rom 12. 9.

18 Ak leen wānik emwij jeor ilo ainemõn fiõn ro rej kõmõn aine-mõn.

Pro. 11. 18. Mat. 5. 9. Hib. 12. 11.

JAPTER 4.

TÖRINAE im iri ko ibemi, rej jen ia? Re jab jen mõm ko ami, rej törinae ilo rami ke?

Rom 7. 23. 1 Pit. 2. 11.

2 Komij arök im jab bök: komij uror, im ankwonak, im ban jibarek: komij iri im törinae; men ko re jab ibemi bwe kom jab kajitök kaki.

3 Komij kajitök im jab bök, bwe enana ami kajitök im kin draepe ilo mõm ko ami.

Pro. 1. 28. Isa. 1. 15. Jer. 11. 11. Zek. 7. 13. 1 Jon 5. 14.

4 Kom dri lüñ, kom jab jelake bwe an lõl yokwe ej kijiräte Anij? Inem jabrewõt e kõnan bwe en jeran lõl ej dri kijiräte Anij.

Sam 73. 27. 1 Jon 2. 15. Jon 15. 19. & 17. 14. Gal. 1. 10.

5 Ak komij lemnok ke bwe Jeje ko re ba nan bata? Jitõb co E ar kõmõne bwe en jokwe ilo kij ej mõm fiõn junmar ke?

Jen. 6. 5. & 8. 21. Bwin. 11. 29. Pro. 21. 10.

6 A Ej letok joij elaplok. Kin men in Jeje ej ba, Anij ej jumae ro dri jua, a Ej lelok joij fiõn ro dri etā.

Job 22. 29. Sam 138. 6. Pro. 3. 34. & 29. 23. Mat. 23. 12. Luk 1. 52.

7 Inem komin kötāik kom fiõn Anij; a komin jumae devil im e naj ko jen kom.

Ep. 4. 27. & 6. 11. 1 Pit. 5. 9.

8 Komin druaklok fiõn Anij, im E naj druakwoj fiõn kom. Karreo peimi, kom dri jerawiwi; im kokwojarjar buruemi kom dri buru jibil.

2 Kron. 15. 2. Isa. 1. 16. 1 Pit. 1. 22. 1 Jon 3. 3. jap. 1. 8.

9 Komin buromõj im liajlo im jõñ: ami lea en erom liajlol, im ami lõñliñ en erom buromõj.

Mat. 5. 4.

10 Komin kötāik kom iman mejen Iroi, im E naj koutiej kom.

1 Pit. 5. 6.

11 Komin jab konono nae dron, ro jätio. Eo ej konono nae jein im jätin, ak ekajet jein im jätin, ej konono nae kien im ekajet kien: a elañe kwoj ekajet kien, kwo jab dri bokake kien, a kwe dri ekajet.

Ep. 4. 31. 1 Pit. 2. 1. Mat. 7. 1. Luk 6. 37.

12 Juõn wõt Dri kaiñi im Dri ekajet, Eo ej maroñ in lomor ak kok-

kure: a wõn kwe kwoj ekajet dri turum?

Mat. 10. 28. Rom 14. 4, 13.

13 Komin lale mōk, komeo komij ba, Ranin ak ilju kim naj etal ñõn jikin kwelok en, im ber ijo iomin juõn yiõ, im wia im jibarek mweiuk ko:

Pro. 27. 1. Luk 12. 18-20.

14 Ijoke kom jaje ta eo e naj walok ilju. Ta ami mour? Komij einwõt tap eo ej walok jirik ien inem ej monlok.

Job 7. 7. Sam 102. 3. jap. 1. 10.

15 A emõn komin ba, Elañe Anij e kõnan, kim naj mour, im kõmõn men in ak men eo.

Jerb. 18. 21. 1 Kor. 4. 19.

16 A kiõ kom kimjåje ilo ami jua-lõñlõñ; kimjåje otemjej einwõt renana.

1 Kor. 5. 6.

17 Inem eo e jela kin kõmõn emõn, im jab kõmõne, men in jera-wiwi ñõn e.

Luk 12. 47. Jon 9. 41. & 15. 22. Rom 1. 20, 21, 32. & 2. 17, 18, 23.

JAPTER 5.

KOMIN lalemōk, kom dri mweie, komin jõñ im limõ kin ami men in kaiñtan ko re naj itok iomi.

Pro. 11. 28. Luk 6. 24. 1 Tim. 6. 9.

2 Mweiuk ko mwelemi rekõt, im drili r'ar kõñi nuknuk ko ami.

Job 13. 28. Mat. 6. 20. jap. 2. 2.

3 Ami gold im silver rejo wõt; im jo eo e naj men in kennan nae kom, im e naj kõñi kōniekemi einwõt kijeek. Kom ar koorlok mwelemi ilo ran ko eliktata.

Rom 2. 5.

4 Lo wõnan dri jermal r'ar marmiri jikin kallip ko ami, im komij drebij e ilo jab wānik, ej lamij: im ainiken ro r'ar marmir e ar dreloñ iloan lojiliñin Iroj in Sabaoth.

Levai 19. 13. Job 24. 10, 11. Jer. 22. 13. Dut. 24. 15.

5 Kom ar kabbenono im mōnõnõ kake ion lõl; kom ar kamātōk buruemi ilo ran in mij.

Job 21. 13. Amos 6. 1, 4. Luk 16. 19. 1 Tim. 5. 6.

302

6 Kom ar liakelok, im kom ar urõte dru wānik; e jab jumae kom. jap. 2. 6.

7 Inem ro jātio, komin mijmijlõmi mae ien an Iroj itok. Lo, dri kallip ej kōtar leen lõl e aurōk im ej mijmijlolin ñõn ter eo emwij an bōk wut mokta im wut eliktata.

Dut. 11. 14.

8 Komin bareinwõt mijmijlõmi; komin kabin buruemi: bwe an Iroj itok ej ebak.

1 Pit. 4. 7.

9 Komin jab lotan dron, ro jātio, bwe en jab ekajet kom: lo, Dri ekajet eo ej jutōk iman kejem ko. jap. 4. 11. Mat. 24. 33. 1 Kor. 4. 5.

10 Ro jātio, komin bōk joñok kin iñtan im kijenmij jen ro dri kanan, r'ar konono ilo etan Iroj.

Mat. 5. 12.

11 Lo, jej likit ir remõnõnõ ro r'ar kijenmij; kom ar roñ kin an Job kijenmij, im kom ar lo jemlok eo jen Iroj, ekijkan Iroj e kanuij joi im tiriamokake.

Mat. 5. 10. & 10. 22. Job 1. 21, 22. & 2. 10. & 42. 10. Bwin. 14. 18.

12 A elap jen men otemjej, ro jātio, komin jab kanõjni, jab kin lõñ, jab kin lõl, im jab kin jabrewõt men in kanõjni jet: a ami jab en jab wõt, im ami aet en aet wõt: bwe komin jab buñ iomin ekajet.

Mat. 5. 34-37.

13 Jabrewõt iamiej iñtan ke? En jar. Jabrewõt ej mōnõnõ ke? En al im nebar.

Ep. 5. 19.

14 Jabrewõt iamiej e nañinmij ke? en añiñintok elder ro an eklisia, im ren jar ion im kabit e kin oil ilo etan Iroj:

Mark 6. 13. & 16. 18.

15 Im jar in tōmak e naj kemour dri nañinmij eo, im Iroj e naj ke-jerkak e; im elañe e kar kōmõn jerawiwi ko, naj jeorilok jen e.

Isa. 33. 24. Mat. 9. 2.

16 Inem komin kwalok jerawiwi ko ami ñõn dron, im jar kin dron,

bwe komin mour. Elap tokjen jar an armij ewānik eo ej jerbale.

Jen. 20. 17. Bwin. 11. 2. Dut. 9. 18-20. Jos. 10. 12. 1 Kln 13. 6. Sam 10. 17. & 34. 15. & 145. 18. Jon 9. 31.

17 Elaija ej juōn armij e kanulj einwōt kij, im e ar jar im akwelap bwe en jab wut; im e ar jab wut ion lōl iomin jilu yīō im jiljino aliñ.

Jerb. 14. 15. 1 Kln 17. 1.

18 Im ej bar jar im lōñ e ar lelok wut, im lōl e ar jebar leen.

1 Kln 18. 42, 45.

19 Ro jātiō, elañe jabrewōt iami ej jebwābwe jen mōl, im juōn ej koukwelok e;

20 En jela, bwe eo ej koukwelok juōn dri jerawiwi jen an jebwābwe jen ial, e naj lomoren an jen mij, im e naj kalibubu elōñ jerawiwi.

Rom 11. 14. 1 Pit. 4. 8.

LETTER MOKTA AN PITER.

JAPTER 1.

PITER, dri jilik an Jisōs Kraist, ñōn ro dri jibliklik im jokwe ilo Pontōs, Galetia, Kappadosia, Esia, im Bitinia,

Jerb. 2. 9. Jem. 1. 1.

2 Ro emwij kālet ir kin an Anij Jemer jela mokta, ilo kokwojarjar an Jitōb, ñōn kibleie im kabōtūktūk kin bōtōktōk in Jisōs Kraist: Joi im ainemōn ren lōñ'ok ñōn kom.

3 En mōnōn Anij Jemen ar Iroj Jisōs Kraist, Eo, ilo An tiriamokake elap, E ar bar keutak kij ñōn kejatrikrik emour kin jerkakbij an Jisōs Kraist jen ro remij,

Ep. 1. 3. Tit. 3. 5. Jon 3. 3. Jem. 1. 18. 2 Kor. 1. 3. 1 Tes. 4. 14.

4 Ñōn jolit eo e jamin wabōnbōn im jab etton ak mejkwun, im emwij likit e ilōñ ñōn kom,

Jap. 5. 4. Kol. 1. 5.

5 Komeo kejbārok kom ilo kajur an Anij kin tōmak ñōn lomoremwij an kapoj bwe en waloktok ilo ien eo eliktata.

Jon 10. 23, 29.

6 Im ilo e komij kanulj lōñliñ, meñe kiō jirik len, elañe en ein drein, kom ar iñtan kin elōñ men in melejoñ,

Mat. 5. 12. 2 Kor. 6. 10. Jap. 4. 13. & 5. 10.

7 Bwe melejoñ ami tōmak, e aurōk jen gold eo e jokolok meñe melejoñ

e kin kijeek, en walok ñōn wijtak im aibuuij im nebar ilo weaktok an Jisōs Kraist:

Jem. 1. 3. 12. Jap. 4. 12. Job. 23. 10. Pro. 17. 3. Isa. 43. 10. Zek. 13. 9. 1 Kor. 3. 13.

8 Eo komij yokwe ke kom jañin lo E; im ilo E, meñe kiō kom jab kalimjeke, kin ami liki E komij lōñliñ ilo lōñliñ elap jen maroñ in ba im eobrōk kin aibuuij:

1 Jon 4. 20. Jon 20. 29.

9 Im komij bōk tokjen ami tōmak, lomoren ami.

Rom 6. 22.

10 Kin lomor eo ro dri kanan, r'ar drikanij kin joij en iwij ñōn kom, rej kanulj kabukot im liñōri:

Dan. 2. 44. Hag. 2. 7. Mat. 13. 17. Luk 10. 24. 2 Pit. 1. 19, 20.

11 Im bukot ie ien eo, ak ta wāwen ien eo Jitōb ñōn Kraist, eo E ar ber ilo ir, Ej bakajen ke Ej kennan mokta kin iñtan ko an Kraist im aibuuij ko ren tokelik.

2 Pit. 1. 21. Sam 22. 6. Isa. 53. 3-8. Luk 24. 26.

12 Im emwij kwalok ñōn ir, bwe jab ñōn ir mōke, a ñōn kom, rej korijer ilo men ko, ar ba ñōn kom kaki kiō kin ro r'ar kwalok gospel ñōn kom ilo Jitōb Kwojarjar jilkin-tok jen lōñ; men ko enjel rōn rej kōnan liñōri.

Dan. 12. 9, 13. Hīb. 11. 39, 40. Jerb. 2. 4. Eks. 25. 20. Dan. 8. 13. & 12. 5-7. Ep. 3. 10.

13 Kin men in komin kapojōk bu-ruemi, komin jadōr im kejatrikrik